

ҮНҮП КЕЛГЕН 2020 ЧЫЛ БОЛГАШ РОЖДЕСТВО БАЙЫРЛАЛДАРЫ-БИЛЕ!

Тыва Республиканың уруглар солуну

НАЦИОНАЛЬНАЯ
БИБЛИОТЕКА
РЕСПУБЛИКИ ТЫВА
ИМ. А.С.ПУШКИНА

6+

Сылдычыгаш

январь 7

2020 чыл

№ 1 (3488)

Байкара ХӨВЕҢМЕЙ

КЫШ

Эртенги хүн дагдан безин
Элээн бедээн хирезинде,
Туман-биле арнын шуглап,
Думаалайлап каан-даа ышкаш,
Бирде көстүп, бирде чаштып,
Бижииргээнзиг чаңнап туру.

Дээскиндир топтап көрем:
Дээр-даа, чер-даа катчы берген.
Аргада төш Соок-Ирей дег,
Ак хар бөргүн кедип алган,
Хөнү шиви будуктарын
Хөвең-биле шимеп алган.

Кыштың черле кылбазы чок:
Хыраа безин соңга хээлээн,
Крышалыг бажыңнар-даа
Кыштың чаңын эдергештин
Кылын харны энчек кылып,
Кырын шыва тыртып алган.

Ажы-төлдүң оюну безин
Ак хар-биле дүрзү тудар.
Хөглүг оолдар, кыстар-даа
Хөртүк-биле каккылажыр.
Кырганнарның кылажы-даа
Кыжырт-кыжырт кыннып чоруур.

Ынчалза-даа кыш, чай деп
Ылгап билбес чүвевис бар:
Кыңгылама соокта-даа,
Харлыг дүвү бурлаза-даа,
Хайныгары соксаш кылбас
Кайгамчыктыг, күштүг чүвө
Ажыл-иш-тир.

«ХАРЖЫГАШ». Сай-Хоо Ондар чураан,
11 харлыг. Кызылдың Немелде өөредилге
төвүнде «Хөглүг карандаш» каттыжыышкын.
Башкызы М. Ёндан.